

## PRAVILA J.U. RADIO – TELEVIZIJA LUKAVAC “LOKALNI IZBORI U BIH 2024.”

Lokalni izbori u BiH 2024. godine i pravila ponašanja medija u izbornom periodu regulisani su Izbornim zakonom BiH i Pravilnikom o medijskom predstavljanju i javnom oglašavanju političkih subjekata u izbornom periodu. Navedeni dokumenti čine osnovu za kreiranje pravila JU RTV Lukavac u izbornom periodu. Pravila ove kuće vezana za praćenje aktivnosti političkih subjekata u izornoj kampanji na snazi su od službenog početka izborne kampanje do dana izborne šutnje, odnosno od 06.09. do 05.10.2024. godine u 07.00 sati, odnosno do početka izborne šutnje. U skladu s naprijed navedenim, nastala su sljedeća Pravila JU RTV Lukavac :

1. RTV LUKAVAC će u svom programu osigurati praćenje predizbornih aktivnosti političkih subjekata u skladu i na način predviđen Pravilnikom Centralne izborne komisije BiH;
2. RTV LUKAVAC će praćenje predizbornih aktivnosti političkih subjekata, te objavljivanje saopćenja i informacija Centralne izborne komisije BiH vršiti besplatno;
3. RTV LUKAVAC će u svom programu ravnopravno i fer predstavljati političke subjekte, te informisati javnost o predizornoj kampanji;
4. RTV LUKAVAC će u svom programu osigurati fer praćenje izbornih aktivnosti svih političkih subjekata i pravičan pristup u toku izborne kampanje;
5. RTV LUKAVAC će tokom izborne kampanje informacije o redovnim aktivnostima zvaničnika na svim nivoima vlasti emitovati kad god se radi o aktivnostima koje proizilaze iz zakonom utvrđenog djelokruga organa kojima pripadaju;
6. RTV LUKAVAC u svom programu informacije o redovnim aktivnostima zvaničnika na svim nivoima vlasti neće koristiti za promociju bilo kojeg političkog subjekta i neće navoditi njihovu kandidaturu na izborima niti njihovu stranačku pripadnost;
7. RTV LUKAVAC će, u skladu sa Pravilnikom Centralne izborne komisije BiH, u periodu izborne kampanje svim političkim subjektima odnosno kandidatima registriranim za gradonačelnike Grada Lukavac omogućiti besplatni termin za **Neposredno obraćanje** u trajanju do ČETIRI (4) minuta;
8. RTV LUKAVAC će redoslijed političkih subjekata u emisijama **Neposredno obraćanje** utvrditi javnim žrijebanjem. RTV LUKAVAC će poslati poziv registriranim političkim subjektima da prisustvuju utvrđivanju redoslijeda nastupa političkih subjekata u emisiji **Neposredno obraćanje**.
9. RTV LUKAVAC će **Neposredna obraćanja** predstavnika političkih subjekata, kandidata za načelnike/gradonačelnike u općinama /gradovima Tuzlanskog kantona, **snimati na dan emitovanja u vremenu od 10.00 – 13.00 sati u studiju RTV LUKAVAC, Titova bb., a emitovati istog dana od 18, 00 u programu TV Lukavac i od 18,15 u programu Radija Lukavac.**  
Svi politički subjekti dužni su pridržavati se utvrđenih termina snimanja;
10. RTV LUKAVAC će **Neposredna obraćanja** političkih subjekata snimati prema žrijebom utvrđenom rasporedu a emitovati istim redoslijedom u unaprijed utvrđenom terminu, uz poštivanje Pravilnika Centralne izborne komisije BiH da ona budu dostupna najvećem dijelu javnosti i u formatu pristupačnom osobama sa oštećenjem vida/sluha;
11. RTV LUKAVAC će **raspored i precizne termine (dan, datum i vrijeme) snimanja neposrednih obraćanja kao i termine njihovog emitovanja objaviti kao dodatak ovom dokumentu;**

12. RTV LUKAVAC političkim subjektima koji ne iskoriste svoj žrijebom utvrđeni termin, vrijeme i pravo učešća u emisijama Neposredno obraćanje neće vršiti nadoknadu termina; nedolazak predstavnika političkog subjekta na utvrđeni termin snimanja smatrat će se svojevolumnim odustajanjem od promocije kroz ovaj izborni sadržaj RTV LUKAVAC;
13. RTV LUKAVAC će svim političkim subjektima osigurati jednake uslove za Neposredna obraćanja;
14. RTV LUKAVAC će u periodu izborne kampanje osigurati besplatno i na pravičan način pokrivanje predizbornih aktivnosti svih političkih subjekata;
15. RTV LUKAVAC će svakodnevno u periodu predizborne kampanje (06.09.2024-05.10.2024.) emitovati emisiju **Izborna hronika** koja će u cjelosti biti rezervisana za informisanje javnosti o press konferencijama, predizbornim skupovima, tribinama i drugim predizbornim aktivnostima političkih subjekata, te za emitovanje njihovih saopćenja i reakcija; **Izborna hronika** na rasporedu je svake večeri od 06. 09. 2024. do dana izborne šutnje, u terminu od 17:30 sati;
16. RTV LUKAVAC će u **Izornoj hronici** emitovati saopštenja za javnost političkih subjekata i **press konferencija** političkih subjekata za koje dobije pismeni poziv najmanje dva dana prije njihovog održavanja. Svi politički subjekti bit će tretirani u skladu s Pravilnikom Centralne izborne komisije te Pravilima RAK-a, na jednak način, i u trajanju do dvije minute po jednom izvještaju;
17. RTV LUKAVAC će u okviru **Izborne hronike** izvještavati s press konferencija političkih subjekata samo ukoliko su iste zakazane na gradskom (a nikako mjesni ili niži nivoi organizovanja i djelovanja političkih subjekata);
18. RTV LUKAVAC zbog ograničenih materijalnih i kadrovsko-tehničkih mogućnosti zadržava pravo da prema uredničkoj procjeni izvrši selekciju događaja, odnosno press konferencija ukoliko se u jednom danu zakaže više istih, vodeći pri tome računa o izbalansiranom i pravičnom pristupu svih političkih subjekata;
19. RTV LUKAVAC će **tokom jedne sedmice u periodu izborne kampanje pratiti samo jednu press konferenciju po političkom subjektu** neovisno o tome da li će politički subjekti press konferencije održavati više puta tokom jedne sedmice, te neovisno o tome da li će press konferencije biti održavane u različitim mjestima i na različitim nivoima organizovanja te s različitim povodima;
20. RTV LUKAVAC zadržava pravo da njeni novinari i urednici, u skladu s uredničkom slobodom i profesionalnim standardima, naprave procjenu i odrede prioritete u izvještavanju u slučajevima kada press konferencije imaju na dnevnom redu više tema; kriterij za takve slučajeve je njihov značaj za širu javnost;
21. RTV LUKAVAC će u okviru emisije **Izborna hronika** emitovati **Saopštenja političkih subjekata sa predizbornih skupova koje dostavljaju politički subjekti**;
22. RTV LUKAVAC zadržava pravo da zbog ograničenih materijalnih i kadrovsko – tehničkih mogućnosti izvrši selekciju predizbornih skupova i tribina političkih subjekata koje će pratiti ukoliko u jednom danu bude zakazano više takvih događaja, vodeći pri tome računa o jednakom tretmanu svih političkih subjekata;
23. RTV LUKAVAC će **tokom jedne sedmice u periodu izborne kampanje pratiti samo jedan predizborni skup ili tribinu ili drugu predizbornu aktivnost** političkog subjekta, neovisno o tome da li će politički subjekti predizborne skupove, tribine ili druge aktivnosti održavati više puta tokom jedne sedmice, te neovisno o tome da li se isti događaji održavaju u različitim općinama, sredinama i na različitim nivoima djelovanja;

24. RTV LUKAVAC će tokom izborne kampanje organizovati **4 (četiri) debatne emisije**, uključujući završnu debatnu emisiju sa kandidatima za Gradonačelnika.
25. RTV LUKAVAC će u Izornoj hronici emitovati **saopćenja za javnost i reakcije političkih subjekata** u trajanju do tri minute, vodeći pri tome računa o izbalansiranom i pravičnom pristupu svih političkih subjekata;
26. RTV LUKAVAC će čuvati detaljne zapise o vremenskom rasporedu i sadržaju političkog programa kao i pokrivanju predizbornih aktivnosti političkih subjekata i takve zapise na zahtjev dati na javni uvid;
27. RTV LUKAVAC će svakog ponedjeljka dostavljati RAK u detaljan izvještaj o realizovanim predizbornim programskim aktivnostima za prethodnu sedmicu, uključujući detaljne podatke o emitovanim političkim spotovima, političkim programima (Izborna hronika, Neposredno obraćanje,) te vremenu datom svakom političkom subjektu;
28. RTV LUKAVAC će u izbornom periodu pod jednakim uslovima svakom političkom subjektu omogućiti **plaćeno političko oglašavanje**;
29. RTV LUKAVAC će svim političkim subjektima, zainteresiranim za marketinške usluge u izbornom periodu, omogućiti **plaćeno političko oglašavanje** isključivo gdje ne postoji sumnja da je u skladu s Pravilima RAK-a i Izbornim zakonom BiH; s obzirom na navedeno **RTV LUKAVAC će u izbornom periodu političkim subjektima pružati usluge plaćenog političkog oglašavanja isključivo u formi emitovanja političkih spotova, oglasa, obavještenja, javnih poziva**;
30. RTV LUKAVAC će plaćeno političko oglašavanje vršiti u skladu sa Pravilnikom Centralne izborne komisije BiH te Pravilima RAK-a;
31. RTV LUKAVAC političke spotove neće emitirati neposredno prije, u toku ili neposredno nakon emisija vijesti; neposredno u ovom kontekstu znači 15 (petnaest) minuta prije i 15 minuta nakon emisija vijesti – DNEVNIK;
32. RTV LUKAVAC će svim političkim subjektima i pod jednakim uvjetima omogućiti plaćeno političko oglašavanje u skladu s važećim cjenovnikom marketinških usluga RTV LUKAVAC kojeg će svi politički subjekti dobiti u prilogu ovom Dokumentu, gdje su precizno navedeni svi kriteriji i uslovi emitovanja (vrsta reklamnog oglašavanja, termin emitovanja, trajanje i cijene...);
33. RTV LUKAVAC će osigurati da plaćena politička oglašavanja budu jasno odvojena od preostalog programa i da ne ulaze u limit o dozvoljenom reklamnom vremenu koje je utvrdio RAK BiH;
34. RTV LUKAVAC će narudžbe za plaćeno političko oglašavanje zaprimati od političkih subjekata direktno, odnosno preko pravnih i fizičkih lica koje politički subjekti za to ovlaste; narudžbe sa sadržajem oglašavanja moraju biti dostavljene najkasnije 48 sati prije emitiranja, a novčanu naknadu za usluge objavljivanja naručilac je dužan uplatiti također 48 sati unaprijed prema cjenovniku RTV LUKAVAC;
35. RTV LUKAVAC će voditi računa da maksimalno vrijeme dozvoljeno za plaćeno političko oglašavanje ne pređe 30 (trideset) minuta sedmično po političkom subjektu;
36. RTV LUKAVAC će plaćeno političko oglašavanje vršiti **redoslijedom kojim bude zapimala narudžbe za iste**;

37. RTV LUKAVAC ima pravo da odbije objavu plaćenog političkog oglašavanja ako:
- oglašavanje nije naručeno putem narudžbe u pisanom obliku
  - dostavljeni reklamni spot ne zadovoljava tehničke i profesionalne standarde RTV LUKAVAC
  - Oglašavanje uključuje bilo kakvu diskriminaciju ili predrasudu na osnovu spola, rase, etničke pripadnosti, nacionalnosti, vjere ili uvjerenja, invalidnosti, posebnih potreba, dobi, seksualne orijentacije, društvenog porijekla, kao i svaki drugi sadržaj koji ima za svrhu ili posljedicu da bilo kojem licu onemogući ili ugrožava priznanje, uživanje ili ostvarivanje na ravnopravnoj osnovi njegovih prava i sloboda
  - Da se oglašavanjem ponižava, zastrašuje ili podstiče mržnja, nasilje ili diskriminacija protiv lica ili grupe na osnovu spola, rase etničke pripadnosti, nacionalnosti, vjere ili uvjerenja, invalidnosti, posebnih potreba, dobi, seksualne orijentacije, društvenog porijekla ili na osnovu bilo koje druge okolnosti koja ima za svrhu ili posljedicu da bilo kojem licu onemogući ili ugrožava priznavanje, uživanje ili ostvarivanje na ravnopravnoj osnovi, njegovih prava ili sloboda
  - Oglašavanje uključuje učešće djece
  - je oglašavanjem u suprotnostima sa propisima RAK-a
38. RTV LUKAVAC će političke spotove emitirati uskladu sa programskom šemom, vodeći računa da njihovo emitiranje ne utiče na opću programsku dinamiku niti smanjuje interes gledalaca za izbore;

Na kraju, **RTV LUKAVAC** poučena dosadašnjim iskustvima u pokrivanju predizbornih kampanja a imajući u vidu veliki broj političkih subjekata ovjerenih za ovogodišnje izbore, te planirane i obimne ukupne predizborne obaveze, **sugeriše političkim subjektima da**, imajući u vidu naprijed navedena Pravila u vezi praćenja press konferencija, predizbornih skupova, tribina te drugih predizbornih aktivnosti, **samostalno izvrše planiranje i odabir te prema vlastitoj procjeni predlože koje press konferencije, odnosno predizborne skupove u svakoj sedmici predizbornog perioda žele da budu uvrštene u Izbornu hroniku RTV LUKVAC**, poštujući pri tome navedene kvote po političkom subjektu.

Također, napominjemo da će svi izborni programski sadržaji RTV LUKAVAC, osim plaćenog političkog oglašavanja, biti realizirani i u televizijskom i u radijskom programu RTV LUKAVAC. Plaćeno političko oglašavanje podliježe posebnim ugovorima, aranžmanima i cjenovnicima oglašavanja u okviru radijskog, odnosno televizijskog programa RTV LUKAVAC.

Lukavac, 02.09.2024. godine

**DIREKTOR  
JU RTV LUKAVAC  
Jasminka Memić**